



REPUBLIKA E SHQIPËRISË

INSPEKTORATI I LARTË I DEKLARIMIT DHE KONTROLLIT TË  
PASURIVE DHE KONFLIKTIT TË INTERESAVE  
SEKRETARI I PËRGJITHSHËM

Nr. 112/11 Prot

Tiranë më 9.1.2019

**Lënda :** Relacion sqarues mbi realizimin e Regjistrit të Parashikimeve të Prokurimeve Publik, për vitin 2018

**TIRANË**

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në mbështetje të Ligjit nr.9643 datë 20.11.2006 “Për Prokurimin Publik”, i ndryshuar, Vendimit të Këshillit të Ministrave nr. 914, datë 29.12.2014 “Për miratimin e rregullave të prokurimit publik”, i ndryshuar, neni 7, “Realizimi i procedurave të prokurimit” Ju dërgon realizimin e Regjistrit të Parashikimeve të Prokurimeve Publike, për vitin 2018. Fondet limit në Regjistrin e Realizimeve të Prokurimeve Publike janë pasqyruar për vlerat pa tvsh.

**I. Realizimi i Regjistrit për grupin e shpenzimeve në zërin investime.(231)**

Gjithsej fondi i planifikuar i investimeve për vitin 2018 është 3 milion lekë dhe është realizuar prokurimi në vlerën 2,698,661 lekë me tvsh, ose 89.95% e fondit të planifikuar për vitin 2018. Vlera 301,339 lekë, përbën kursime të krijuara gjatë procesit të prokurimit.

Inspektorati i Lartë, në këtë drejtim, në zbatim të dispozitave ligjore financiare në fuqi dhe të planifikimit në Regjistrin e Parashikimeve të Prokurimeve Publike të vitit 2018, për këtë periudhë ka realizuar fondet e planifikuara në mbështetje të kontratave të lidhura ndërmjet palëve, për fondet e investimeve të vëna në dispozicion si më poshtë;

1. Fondi i investimeve me objekt “Blerje pajisje kompjuterike dhe elektronike”, miratuar si produkt nga Ministria e Financave, është prokuruar, me procedurën kërkesë për propozim, me fond limit në vlerën 1,500,000 lekë dhe është fituar nga shoqëria private “BNT ELECTRONICS“ Shpk, në vlerën 1,186,680 lekë ose 79.1% të fondit të planifikuar.

Likujdimi është kryer në zbatim të detyrimeve të kontratës dypalëshe nr.1233 prot. datë 9.3.2018. Në zbatim të ligjit 9643, datë 20.11.2006 “Për prokurimin publik” i ndryshuar, Vendimit të Këshillit të Ministrave nr.914 datë 29.12.2014 “Për miratimin e rregullave të prokurimit publik”, i ndryshuar.

2. Fondi i investimeve me objekt “Blerje Konditioner Profesional me Precizion të Lartë”, i miratuar si produkt nga Ministria e Financave, është prokuruar, me procedurën kërkesë për propozim, me fond limit në vlerën 1,500,000 lekë dhe është

- fituar nga shoqëria privat, SYNAPSE ATS” Sh.p.k, në vlerën 1,380,000 (*një milion e treqind e teëdhjetë*) lekë me TVSH., ose 92% të fondit të planifikuar. Likujdimi do të kryhet në zbatim të detyrimeve të kontratës dypalëshe nr.2904 prot. datë 20.7.2018.
3. Fondi i investimeve me objekt “*Blerje frigorifer për zyrë*” është miratuar si produkt nga Ministria e Financave, në vlerën 70,000 lekë, si fond i rialokuar nga kursimet në procesin e prokurimeve dhe është realizuar me procedurën e blerjeve nën vlerën 100,000 lekë, dhe është realizuar 94.2% e fondit të planifikuar.
  4. Fondi i investimeve me objekt “*Blerje të tjera pajisje zyre*” është miratuar si produkt nga Ministria e Financave, në vlerën 230,000 lekë, si fond i rialokuar nga kursimet në procesin e prokurimeve. Ky fond është realizuar me procedurën e blerjeve të vogla në vlerën 66,000 lekë.

## **II . Realizimi i Regjistrimit për grupin e shpenzimeve në zërin operative.(602)**

Për vitin 2018, Realizimi i Regjistrimit të Prokurimeve, për grupin e shpenzimeve operative evidenton prokurimin gjithsej të fondit limit prej 13,204,623.6 lekë me tvsh. Gjithsej është realizuar vlera 9,206,327.26 leke me tvsh ose 70% e fondit të planifikuar, duke respektuar dispozitat ligjore në fuqi. 2018. Diferencat përbëjnë kursime gjatë procesit të prokurimit të cilat janë rishpërndarë sipas nevojave më të domosdoshme të institucionit.

1. Fondi i paraçikuar për grup artikullin shërbimi me objekt ‘*Ruajtja dhe Sigurimi i Godinës së ILDKPKI me roje objekti 24 ore*’.

ILDKPKI, në zbatim të Ligjit nr.9643 datë 20.11.2006, “*Për Prokurimin Publik*”, i ndryshuar, neni 33, VKM nr.914 date 29.12.2014 “*Për miratimin e Rregullave të prokurimit Publik*”, i ndryshuar, Kreu IV, neni 36, për nevojat e fillim vitit, me shërbimin e ruajtjes me roje civile deri në kryerjen dhe përfundimin e procedurave të prokurimit me këtë objekt, ka realizuar.

- Kontratë shtesë në vlerën e 20% të kontratës fillestare, me objekt "*Ruajtja dhe sigurimi i godinës së ILDKPKI me roje objekti 24 orë*", në vlerën 427,287 (*katërqind e njëzet e shtatë mijë e dyqind e tetëdhjetë e shtatë*) lekë pa TVSH dhe 512,745 (*pesëqind e dymbëdhjetë mijë e shtatëqind e dyzet e pesë*) lekë me tvsh, me operatorin ekonomik “*International Security Albania*” Shpk, vlerë kjo e realizuar në përputhje me kushtet dhe specifikimet e kontratës.
- Kontratë me objekt “*Shërbimi i ruajtjes me roje civile*” për godinën e Inspektoratit të Lartë të Deklarimit dhe Kontrollit të Pasurive dhe Konfliktit të Interesave, me procedurën me negociim pa shpallje paraprake të njoftimit të kontratës, për periudhën, (7.3.2018 – 7.4.2018), sipas specifikimeve teknike, fituar nga firma private “*International Security Albania*” sh.p.k, në vlerën është 242,993.87 (*dyqind e dyzet e dy mijë e nëntëqind e nëntëdhjetë e tre mijë, pikë tetëdhjetë e shtatë*) lekë pa tvsh, dhe 291,592.64 (*dyqind e nëntëdhjetë e një mijë e pesëqind e nëntëdhjetë e dy pikë gjashtëdhjetë e katër*) lekë me tvsh, vlerë kjo e realizuar në përputhje me kushtet dhe specifikimet e kontratës.
- Me përfundimin e procedurës “*Kërkesë me Propozim*” me fond limit - 3,074,651 (*tre milion e shtatëdhjetë e katër mijë e gjashtëqind e pesëdhjetë e një*) lekë pa

TVSH, nga buxheti i shtetit, është lidhur Marrëveshje Kuadër - me një operator ekonomik ku te gjitha kushtet janë të përcaktuara, me afat 12 muaj, nga momenti i nënshkrimit të marrëveshjes kuadër, me objekt “Shërbimi i ruajtjes me roje civile” për godinën e Inspektoratit të Lartë të Deklarimit dhe Kontrollit të Pasurive dhe Konfliktit të Interesave.

Duke iu referuar procedurës së lartpërmendur, kjo procedurë është fituar nga AK, Eurogjici – Security, në vlerën 2,915,970.40 (dymilion e nëntëqind e pesëmbëdhjetë mijë e nëntëqind e shtatëdhjetë, pik katër) lekë pa TVSH dhe 3,499,164.48 (tre milion e katërqind e nëntëdhjetë e nënëte mijë e njëqind e gjashtëdhjetë e katër pik dyzet e tetë) lekë me TVSH, si oferta e suksesshme. Likujdimi kryhet cdo muaj, në mbështetje të kontratës dypalëshe nr.1911 Prot, datë 20.4.2018.

2. Fondi i parashikuar për grup artikullin “Blerje materiale kancelarie”, me fond limit për 800,000 lekë, është realizuar me procedurën blerje me vlerë të vogël dhe është fituar nga firma privatme “Infosoft Office” shpk, në vlerën 750 mijë lekë me tvsh ose 93.7% e fondit të planifikuar. Likujdimi është kryer konformë specifikimeve teknike të kërkuara.
3. Fondi i parashikuar për grup artikullin “Blerje Bojra Printeri dhe Fotokopje” për ILDKPKI, me fond limit për 1.9 milion lekë, është në prokuruar, në zbatim të procedurës “Kërkesë për Propozim” në mbështetje dispozitave ligjore në fuqi dhe është realizuar në vlerën 1,873,702.8 lekë me tvsh. Likujdimi është kryer konformë specifikimeve teknike të kërkuara në mbështetje të marrëveshjes dypalëshe.

Gjithashtu gjatë kësaj periudhe janë kryer procedura prokurimi blerje me vlera të vogla dhe janë lidhur kontrata për shpenzime të abonimit në shtyp, siguracione te detyrueshme për automjetet e ILDKPKI, kontrata e shërbimit të mirëmbajtjes së ashensorit, të larjes dhe shërbimit të mirëmbajtjes së automjeteve e tj. të cilat institucioni ynë i ka likujduar në mbështetje të specifikimeve teknike të sanksionuara në marrëveshjet dypalëshe.

Përsa i përket shpenzimeve për blerje mallra të natyrave të ndryshme, institucioni ynë për këtë periudhë, i ka prokuruar dhe realizuar sipas nevojave konkrete, në mbështetje të dispozitave ligjore në fuqi.

Realizimi i prokurimeve të shpenzimeve të akorduara për ILDKPKI, për vitin 2018, është mbështetur në Regjistrin e Parashikimeve te Prokurimeve Publike të vitit 2018, të ndryshuar dhe kerkesave konkrete të institucionit, të kërkesave për përmirësimin e mëtejshëm të punës në menaxhimin dhe zbatimin e objektivave të përcaktuara, duke zbatuar me korrektesi të gjitha detyrimet që rrjedhin nga legjislacioni financiar nëpërmjet një administrimi korrekt dhe kontrolli të vazhdueshëm.

**SEKRETARI I PËRGJITHSHËM**  
**Kozeta NDOI**

